

讀  
書  
叢  
錄

讀書叢錄卷十

臨海洪頤煊

話治也

小爾雅廣詁話治也頤煊案話當作詁說文詁訓故言也毛詩詁訓傳釋文舊本多作故爾雅釋詁治故也則故亦爲治故詁亦訓治也

斲取也

廣言斲取也頤煊案取當作恥左氏莊十一年傳宋公斲之杜預注戲而相媿曰斲服虔注恥而惡之曰斲說文嬉好枝格人語也一日斲也皆是恥義

俘罰也

俘罰也頤煊案俘當作浮禮記投壺若是者浮鄭注  
常爵者常所以罰人之爵也浮亦謂是也晏子春秋  
內篇雜下請浮晏子浮亦罰也漢書敘傳皆引滿浮  
白師古曰一說白者罰爵之名也飲有不盡者則以  
此爵罰之魏文侯與大夫飲酒令曰不醵者浮以大  
白是也是亦以浮爲罰也

枳害也

枳害也頤煊案枳通作伎字詩雄雉不伎不求毛傳  
伎害也論語子罕不伎不求集解馬注伎害也爾雅  
釋地中有枳首蛇焉釋文枳本或作楚孫云蛇有枝  
首者隸釋孫叔敖碑作枝首蛇枳伎古字通用

整願也

整願也一本整作整永樂大典本作勅顯也頤煊案國語晉語以愁御人韋昭注愁願也詩十月之交不憇遺一老釋文爾雅云願也卽此篇之文整整勅顯皆後人所改

倍捷曰舉

衡倍捷曰舉倍舉曰錡頤煊案考工記弓人九和之弓膠三錡絲三邸漆三斛鄭注邸斛輕重未聞斛舉聲相近捷與唐同疑匕類醫家所謂刀圭其法亦以量爲準也

釋名

釋名八卷陳振孫書錄解題漢徵士北海劉熙成國  
撰頤煊案三輔黃圖注引漢博士劉熹釋名徵士之  
名不見於兩漢書當作博士爲是世說新語言語篇  
伏立度論青州人物劉孝標注引滔集漢時有劉成  
國成國卽熙字

字母所本

釋天天豫司充冀以舌腹言之天顯也青徐以舌頭  
言之天坦也風充豫司冀橫口合唇言之風汜也青  
徐言風馭口開唇推氣言之風放也頤煊案反切之  
學創於魏晉其時已萌芽矣舌腹舌頭橫口合唇蹙  
口開唇此卽西域四十二字母之所自始

盧然

釋地土黑曰盧盧然解散也頤煊案尚書禹貢下土墳墟鄭注墟疏也此云盧然解散亦本於鄭義

東郡南郡

釋州國東郡南郡皆以京師方面言之也畢氏沅疏證京師謂雒陽頤煊案東郡南郡已見於漢書地理志皆秦所置不宜指雒陽此據中國形勢而言釋名之言非是

齊齊也

齊齊也地在勃海之南勃齊之中也頤煊案史記封禪書齊所以爲齊以天齊也天齊淵水居臨菑南郊

山下者索隱顧氏案解道彪齊記云臨菑城南有天  
齊泉五泉並出有異於常言如天之腹臍也高祖本  
紀北有勃海之利索隱引齊都賦海旁曰勃淮南天  
文訓賁星墜而勃海決高誘注勃大也皆與此異義  
面漫也

釋形體面漫也畢氏疏證說文無漫字疑當作滿頤  
煊案漢書西域傳罽賓國以金銀爲錢文爲騎馬幕  
爲人面張晏曰錢文面作騎馬形漫面作人面目也  
故此訓面爲漫

### 摩娑

釋姿容摩娑猶未殺也手上下之言也畢氏疏證周

司尊彝鄭注獻讀爲摩莎之莎煮鬱和秬鬯以醖酒  
摩莎沛之出其香汁摩莎卽摩娑也頤煇案詩葛覃  
釋文引阮孝緒字畧云煩擱猶接莎也說文接推也  
一日兩手相切摩也一切經音義卷十三引聲類摩  
抄猶捫摸也亦未殺也字異而音義並同

### 鰥摘

鰥摘猶誦摘也如醫別人鰥知疾之意見事者之稱  
也頤煇案方言謏過也南楚以南凡相非議人謂之  
謏或謂之鰥鰥又慧也郭璞注今名黠爲鬼鰥

### 鼻章

釋親屬俗或謂鼻曰章又曰佻頤煇案漢書廣川王



傳背尊章師古曰尊章猶言舅姑也今關中俗婦呼舅姑爲鍾鍾者章聲之轉也據此章言舅不言姑賈誼傳抱哺其子與公併倨公卽妘也今則通呼爲翁簪建也

釋首飾簪旒也以旒連冠於髮也畢氏疏證旒子林反太平御覽引作連非也頤煊案隋書禮樂志通典卷五十七引釋名云簪建也所以建冠於髮也連卽建字之譌今本作旒也是後人所改

叔帥也

叔帥也帥髮長短皆令上從也頤煊案帥當是飾字之譌說文云叔飾也飾叔也周禮封人飾其牛牲鄭

注飾謂啟治潔清之也司尊彝鄭注說酌者說飾勺而酌也釋文飾本或作拭飾卽拭字

### 侯頭

釋衣服齊人謂如衫而小袖曰侯頭猶言解瀆臂直通之言也顧煊案史記萬石君列傳取親中裙廁踰身自浣滌集解晉灼云今世謂反閉小袖衫爲侯窬侯頭侯窬解瀆皆聲之轉

### 稜牙

釋兵稜牙長九尺者也稜霍也所中霍然卽破裂也畢氏疏證牙旁从廿从夕不成字廣雅有稜字云牙也曹憲音呼覓切此下云稜霍也二字雙聲誼得相

訓因改從稷字頤煊案玉篇稊去的切矛也廣韻稊  
矛也苦擊切稊卽稊字廣雅亦當作稊與曹憲音合  
字書無稊字說文稊字注矛屬从矛昔聲讀若笮稊  
稊皆當是稊之假借字

輦藩也

釋車輦藩也蔽水雨也畢氏疏證輦當作輓說文輓  
車耳反出也从車反聲車耳反出故可以藩蔽水雨  
頤煊案輓與輦同漢書景帝紀令長二千石朱兩輦  
千石至六百石朱左輦應劭曰車耳反出所以爲之  
藩屏翳塵泥也皆與此異方言車枸簍秦晉之間自  
關而西謂之枸簍西隴謂之樅南楚之外謂之蓬郭

璞注樞卽蚤字

物故

釋喪制漢以來謂死爲物故言其諸物皆就朽故也  
畢氏疏證物故見史記司馬相如傳大宛傳顏師古  
注漢書蘇武傳云物故謂死也言其同於鬼物而故  
也一說不欲斥言但云其所服用之物皆已故耳說  
者妄欲改物爲歿非也顧烜案文選古詩奄忽隨物  
化李善注化謂變化而死也不忍斥言其死故隨物  
而化也莊子曰聖人之生也天行其死也物化物故  
猶物化也化故同聲字

廣雅

隋書經籍志廣雅三卷魏博士張揖撰顏師古漢書敘例張揖字稚讓清河人一云河間人魏太和中爲博士頤煊案魏書江式傳魏初博士清河張揖著廣雅太平御覽卷六百五引王隱晉書魏太和六年博士河間張揖上古今字詁

岑取也

釋詁岑取也王氏念孫疏證岑訓爲取未見所出頤煊案岑當通作涔字爾雅釋器椽謂之涔郭璞注今之作椽者聚積柴木於水中魚得寒入其裏藏隱因以薄圍捕取之涔爲取魚之器是以岑爲取也

魏好也

魏好也顧煊案史記殷本紀微子啓索隱孔子家語云微或作魏讀從微音鄒本亦然漢書古今人表魯魏公律歷志作微公微訓爲妙故魏亦爲好也方言魏能也能亦好也

誨誘也

誨誘也王氏疏證誨古通作餌顧煊案誨當是誨字之譌說文羨相誄呼也从厶从羨誘或从言秀誨或如此一切經音義卷十六誘古文羨誨諉三形此條誄諉訓爲誘不應闕誨字

賢益也

賢益也王氏疏證卷三云賢拏也紛拏亦多益之義

頤煊案史記秦本紀柏翳漢書古今人表作柏益賢  
翳字異而義同

悟裂也

悟裂也頤煊案儀禮大射儀度尺而午鄭注一從一  
橫日午特牲饋食禮記午割之鄭注午割從橫割之  
說文午悟也是以悟爲裂也

怖怒也

怖怒也頤煊案怖又通作沛字公羊宣十二年傳是  
以使君王沛焉何休注沛焉怒有餘之貌後漢書袁  
術傳是以豪傑發憤沛然並起沛亦怒也

挺緩也

挺緩也王氏疏證諸書無訓挺爲緩者頤煊案下文  
挺長也長亦有緩義老子釋文引聲類挺柔也呂氏  
春秋任地篇使地肥而土緩高誘注緩柔也挺緩同  
義是以挺爲緩也勿躬篇而莫敢愉挺高誘注挺緩  
挺與挺同

桀去也

桀去也王氏疏證諸書無訓桀爲去者頤煊案詩碩  
人庶士有暵釋文暵韓詩作桀說文暵去也廣雅以  
桀爲去蓋本於韓詩

柳拭也

柳拭也頤煊案說文柳粹也不訓爲拭柳當是概字



之譌周禮世婦帥女宮而濯概鄭注概拭也說文概  
滌也滌亦拭也

擷搔也

擷搔也頤煊案說文擷以手有所把也漢書貢禹傳  
梓少把土師古曰把手把之也把與搔義相近

訥欺也

訥欺也頤煊案卷三訥拏也訥卽訥字之譌說文訇  
駮言聲从言勻省聲訇籀文不省訇卽訥字一切經  
音義卷六引蒼頡駮無知之貌與欺謾誣拏義正相  
同

政勇也

豉勇也頤煊案豉當作毆毆古投字左氏成二年傳  
桀石以投人漢書甘延壽傳投石拔距絕於等倫皆  
是勇也

豉餘也

豉餘也頤煊案說文豉麻蒸也儀禮既夕二燭俟于  
殯門外鄭注燭用蒸楚辭謬諫篇葦落雜於廢蒸兮  
豉可以爲燭禮記曲禮上燭不見跋是豉爲燭餘也  
魯道也

魯道也王氏疏證諸書無訓魯爲道者頤煊案魯通  
作旅史記周本紀魯天子之命書序作旅天子之命  
爾雅釋宮旅途也郭璞注途卽道也漢書枚乘傳魯

東海絕吳之饜道言道從東海以絕吳之饜道此亦以魯爲道也

對治也

對治也王氏疏證諸書無訓對爲治者頤煊案上文對當也漢書韓安國傳公等足與治乎師古曰治謂當敵也今人猶云對治義卽本此爾雅釋言對遂也灌夫傳遂其前事謂治其前事義亦得通

縵縮也

縵縮也王氏疏證縵者司馬相如子虛賦縵積褰縵張揖注褰縮也褰與縵通頤煊案說文縮一日蹴也手部縮蹴引也據相援也援引也三字相承據縮與

縵縮同也

莫布也

莫布也。頤煊案莫通作幕字。漢書李廣傳莫府省文。書馮唐傳上功莫府。莫卽幕字。周禮幕人掌帷幕幄。帟綬之事。鄭注在旁曰帷在上曰幕。帷幕皆以布爲之。是以莫爲布也。

枚收也

枚收也。頤煊案爾雅釋詁收聚也。方言枚凡也。說文凡最也。最古通作聚字。是枚有收聚義也。左氏昭十三年傳南蒯枚筮之。杜預注汎卜吉凶正義或以爲枚雷總卜總亦聚也。

𦉳更也

𦉳更也。頤煊案廣韻𦉳更視見兒說文作造相顧視而行也。字當從目作𦉳。

奠調也

奠調也。頤煊案諸書無訓奠爲調者。奠當是箕字之譌。史記天官書箕爲敖客，爲口舌索隱。宋均云：敖調弄也。箕以簸揚調弄爲象，是以訓爲調也。箕奠字形相近。

𦉳賈也

𦉳賈也。王氏疏證未詳。頤煊案𦉳當作𦉳，卽引字說文。𦉳引爲賈也。引爲賈謂張大之以爲賈。後漢書崔

實傳悔不小斯可至千萬僞斯引三字皆聲相近

子已似也

釋言子已似也頤煊案孟子萬章上丹朱之不肖舜之子亦不肖說文肖骨肉相似也不似其先故曰不肖也是以子爲似也詩斯于似續妣祖鄭箋似讀如已午之已已續妣祖者謂已成其宗廟也是以已爲似也

貳然也

貳然也王氏疏證未詳頤煊案貳當作臆說文臆上肥也漢書地理志上郡高奴有洧水可羆水經河水注引作肥可羆師古曰羆古然火字是以貳爲然也

景景白也

釋訓景景白也頤煊案莊子人間世虛室生白崔注  
白者日光所照也日光卽日景所照謂之白重言之  
則景景白也

管管浴也

管管浴也頤煊案易損君子以懲忿窒欲釋文孟作  
浴古字浴欲通用詩板靡聖管管毛傳管管無所依  
繫鄭箋無聖人之法度管管然以心自恣恣卽欲也  
芬閣也

釋宮芬閣也頤煊案說文穩芬也芬複屋棟也笮迫  
也在瓦之下芬上文選西都賦列芬櫛以布翼西京

賦結焚燎以相接焚燎皆所以上載是以焚爲閣也

帛幡也

釋器帛幡也王氏疏證帛讀若抑各本譌作帛頤煊案帛當是帛字之譌說文帛幡也从巾丌聲幡書兒拭觚布也糸部緡窕也亦同聲字

輅軻車也

輅軻車也王氏疏證自輅至柳皆是車名則輅軻之下不當更有車也二字頤煊案車也二字當是輅字之譌說文輅兵車也屯也字形相近轉寫者因譌作車也二字

臉斂也



言部金卷十  
三十一  
臉黻也頤煊案一切經音義卷十五引廣雅臉縣孰也玉篇臙臉羹也集韻引埤蒼臉臙也羹臙皆是孰也玉篇狀古文勳與黻字形相近

少原

釋地少原頤煊案少原當作少海淮南墜形訓東方曰大渚曰少海高誘注東方多水故曰少海亦澤名也

王白萑也

釋草王白萑也王氏疏證未詳頤煊案白當是瓜字之譌禮記月令王瓜生鄭注王瓜菓擊也今月令云王萑生夏小正云王萑秀是王瓜一名萑也

字林

隋書經籍志字林七卷晉愷令呂忱撰陳振孫書錄  
解題字林五卷晉愷令呂忱撰太乙山僧雲勝注其  
書至元始亡近世任氏大椿撰字林考逸七卷其弟  
兆麟復補正刊行今據以訂正

藐小兒笑也

卷一藐小兒笑也頤煊案徧檢字書藐無此訓王氏  
引之經義述聞文選寡婦賦孤女藐焉始孩李善注  
廣雅曰藐小也字林曰孩小兒笑也是小兒笑乃釋  
孩字非釋藐字俗本文選注脫孩字遂以藐爲小兒  
笑其失甚矣

藟華也

藟華也似芹頤煊案說文無藟字爾雅釋草藟華竊  
衣郭璞注似芹可食說文藟艸之小者从艸厠聲厠  
古文銳字讀若芮藟卽藟字从艸从厠是後人所造  
犍從牛也

犍從牛也頤煊案說文新附犍犗牛也一切經音義  
卷十四引通俗文以刀去陰曰犍淮南汜論訓禽獸  
可羈而從也凡牛已犗者卽馴從故亦謂之從牛顏  
氏家訓書證篇引戰國策寧爲雞尸無爲牛從延篤  
以從爲牛子非是

咀齧也

咀齧也嚼咀也頤煊案一切經音義卷六咀字林作  
齧說文作咀可證字林口部無咀字下引通俗文咀  
齧曰嚼音才弱反字林咀齧也此嚼字訓非咀字訓  
嚼衆口上見

喁衆口上見頤煊案說文喁魚口上見此喁字本義  
也漢書司馬相如傳喁喁然王莽傳天下喁喁師古  
曰喁喁衆口向上也此喁字單訓不應改魚作衆

啜血也

啜蠱食曰啜啜血也亦蠱食曰啜也頤煊案一切經  
音義卷六啜古文噉又作啗通俗文入口曰啗字林  
啜血也亦蠱食曰啜也此當作啗啜血也蠱食亦蠱

食之譌

目有所恨

卷二眈目有所恨也頤煇案說文眈目有所恨而止也此當脫而止二字左氏隱三年傳憾而能眈者鮮矣爾雅釋言眈重也重謂重難亦有恨而止之義

羣羊相積

羶羣羊相積也頤煇案說文羶羣羊相積也羶羊相積也羶羶也羶謂漬漸積是羶字之譌

食所遺也

肺含食所遺也頤煇案說文食所遺也从肉仕聲易曰噬乾食重文作肺字林本於說文字作食含卽

稷字之譌不應重出肺字

機水門也

卷三機水門也頤煊案集韻引字林機水門也類篇引字林作機水門也玉篇機版也

檫艸木動聲

檫艸木動聲頤煊案檫通作蔡字說文蔡艸聲今誤作艸也史記司馬相如列傳噏呷萃蔡集解駟案漢書音義曰萃蔡衣聲也玉篇檫聲也檫卽檫字

稷効稻

稷効稻今年死來年自生日稷頤煊案徧檢字書無稷字說文稷字注稻今年落來年生謂之稷从禾尼

聲稭當是稭字之譌後漢書光武紀野穀旅生李賢注不因播種而生故曰旅今字書作穠玉篇穠自生稻勸疑旅字之譌

佞仿佛

卷四佞仿佛兒不審也頤煊案兒當是見字之譌佞通作僂字說文僂仿佛也从人愛聲詩曰僂而不見玉聲僂愛也古字當通用

佻勇壯兒

佻勇壯兒頤煊案佻無勇壯訓當是佻字之譌說文佻勇壯也从人乞聲周書曰佻佻勇夫公羊宣六年傳佻然從乎趙盾何休注佻然壯勇貌

半浣水

卷五湔水半浣水也下注江頤煊案水經江水注湔  
水山綿虜縣之玉壘山呂忱云一日半浣水也下注  
江說文湔水出蜀郡綿虜玉壘山東南入江一日手  
澣之水經注譌手爲半又以半浣爲水名此酈氏之  
譌非字林之原文也一切經音義卷八引字林湔浣  
也斯得之矣

施罟於道

卷六罟施罟於道也一日以弓罟鳥獸也頤煊案玉  
篇涼施罟於道也一切經音義卷十八引字書施罟  
於道曰涼今畋獵家施涼以取鳥獸者其形似弓也



集韻引字林涼施罟於道已見下文此俗字不當重出

蝮蝮

卷七蝮蝮蝮蟬皮也猶蝮蝮頤煇案一切經音義卷十三引下句作猶蝮蝮變爲蟬也此脫變爲蟬也四字

埤堅土也

卷七埤丁果翻聚土也頤煇案一切經音義卷六埤字林丁果反聚土也卷十四埤都果反字林堅土也說文埤堅土也从土垂聲讀若朶今俗猶以堆土爲埤堅土當是聚土之譌

坊別屋也

坊別屋也。頤煊案別屋當作列屋。周禮司市以陳肆辨物而平市。鄭注陳猶列也。漢書食貨志小者坐列販賣師。古曰列者。若今市中賣物行也。後世坊廂當因此得名。

讀書叢錄卷十一

臨海洪頤煊

玉篇

封氏聞見記梁朝顧野王撰玉篇三十卷凡一萬六千九百一十七字今本題顧野王撰本孫強增加字舊一十五萬八千六百四十一言新五萬一千一百二十九言梁書蕭子顯傳先是時太學博士顧野王奉令撰玉篇太宗嫌其書詳畧未當以蕭愷博學於文字尤善使更與學士刪改則玉篇非野王之舊矣玉篇陌字注野王案柔色以蘊之是以今爲柔字景字注野王謂縣首於木上竿頭以肆大罪秦刑也疑

玉篇原本有野王案語而後人刪之法苑珠林卷二  
十二引玉篇序有開春申君墓得其銘文皆是隸字  
今亦無此文

祧禩古文

示部祧他么切遠廟也禩古文頤煊案周禮守祧鄭  
注故書祧作濯鄭司農云濯讀爲祧祧濯同聲假借  
字此從示作禩是俗人所改非古文

玉字

玉卽玉魚錄切禮記曰君子比德於玉焉云云玉古  
文玉欣救思六二切玉工也亦姓也頤煊案說文王  
象三王之連一其貫也凡王之屬皆从王可證王字

本無右旁一點自隸書恐玉石之王混於帝王之王因古文玉省去左旁一點是以說文有王無玉玉篇既存正文王又兼俗字玉玉並收後人求其說而不得因謂玉石之玉點在三畫之側作玉欣救思六二切之玉點在二畫之側作玉謬更遠矣

塗亦作鏐

塗力牛切說文云垂玉也冕飾又美金也亦作鏐頤煊案爾雅釋器黃金謂之盪其美者謂之鏐尚書禹貢鏐鐵銀鏤史記夏本紀集解引鄭注黃金之美者謂之鏐金玉同色故借鏐爲鏐當在上文鏐字注下非塗之通借字

鄜亦作鄜

邑部鄜祚柯切沛郡縣也亦作鄜頤煊案說文鄜沛國縣从邑盧聲漢書高帝紀相國鄜侯臣瓚曰茂陵書何封國在南陽鄜音贊師古曰瓚說是也而或云何封沛郡鄜縣音才何反非也地理志南陽鄜縣云侯國沛鄜縣不云侯國也小顏本沛郡鄜縣作鄜與南陽鄜同是六朝傳寫譌本非鄜字通轉此鄜下不應有亦作鄜三字

媼媼

女部媼亡丁切說文曰嬰媼也一曰媼媼小人兒頤煊案此卽論語硜硜然小人哉之異文孟子公孫丑

下作悻悻音義作恇恇皆同聲通用字

嫫婦人之稱也

嫫許宜切婦人之稱也頤煊案此卽姬之俗字漢書文帝紀母曰薄姬如淳曰姬音怡衆妾之總稱今俗稱妾爲媵誤矣

覲字作醜

面部覲他典切詩云有覲面目覲媿也醜字書覲字醜同上頤煊案爾雅釋言覲媿也釋文引舍人云覲擅也擅卽醜醜之譌陸德明謂自專擅之貌非是

眊轉目視

目部眊大孔大貢二切轉目視頤煊案說文眊吳楚

謂瞋目顧視曰眊方言瞞眊轉目也梁益之間瞋目  
曰瞞轉目顧視亦曰瞞吳楚曰眊後漢書梁冀傳洞  
精矐眊李賢注洞通也洞卽眊字

言咤

口部咤力凍切言咤也頤煊案咤卽哢字廣韻一送  
哢郭云烏吟後魏孝文帝弔比于文執垂益而談卡  
今營州刺史高貞碑清暈發於載卡卡卽弄字說文  
筭从竹从弄論語集解筭作竿从竹从卞故俗復以  
卡字爲之言咤當是音咤之譌

懺懺

心部恡徒冬切憂也懺同上懺懺憂也出楚辭頤煊



案楚辭雲中君極勞心兮憊憊王逸注憊憊憂心貌  
廣雅釋訓憊憊憂也憊是憊字之譌

信古文訃

言部信思刃切明也敬也論語曰信近於義言可復  
也訃古文又作但頤煊案說文信古文但从言省  
古文信从言从心訃當是訃字之譌

囂囂不同

囂部囂許朝切喧譁也囂荒貫切呼也與喚同頤煊  
案說文囂聲也气出頭上从囂从頁頁首也囂呼也  
从囂莧聲讀若謹二字音義迥別爾雅釋言囂閑也  
郭璞注囂然閑暇貌孟子盡心上人知之亦囂囂趙

歧注囂囂自得無欲之貌字當作囂周禮司蔬禁其  
鬪踞者鄭注踞謹也左氏成十六年傳在陳而囂杜  
預注囂喧嘩也字當作囂今經典多通用

### 夔拜

夔部夔子對子卧二切拜失容也又詐也亦作夔禮  
記云無夔拜頤煊案說文新附夔拜失容也从夔丕  
聲徐鉉所見禮記本亦作夔字不從艸陸德明釋文  
夔盧本作蹲史記集解徐廣曰古蹲字作踎說文交  
行交交也一日倨也倨與踞同夔疑卽交字之譌餘  
詳見筠軒文鈔第七卷

### 這字

疋部這宜箭切迎也頤煊案說文誕詞誕也从言延  
聲籀文作這這卽這字一切經音義卷三引三蒼適  
古文商這二形同之尺反三蒼所引這當是適字之  
譌

闕或作覘

門部闕勅蔭切馬出門兒公羊傳曰開之則闕然何  
休云闕出頭兒或作覘頤煊案當作覘說文覘暫見  
也从見炎聲春秋公羊傳曰覘然公子陽生

欂木蘭

木部欂仕衫切木蘭也頤煊案史記司馬相如列傳  
欂檀木蘭集解駟案漢書音義欂檀檀別名也欂非

言部謹錄卷十一  
五  
卽木蘭木蘭疑水門之譌見字林

菑箭

艸部菑撫俱切菑箭花兒頤煊案文選吳都賦異莠  
蘆箭劉淵林注蘆華也李善注蘆與敷同菑卽蘆字  
之省

囟字

囟部囟胡閤切會也頤煊案穆天子傳囟囟爲右列  
子周穆王篇囟囟爲右張湛注上齊下合此古字未  
審此囟字與合音相近當卽本於列子囟囟皆囟字  
之譌

輶筐也

車部輓房六切筐也璫同上頤焮案說文輓車軸縛也久車復聲易曰輿脫輓璫車笞間皮篋古者使奉玉以藏之久車珏讀與服同二字異義經典輓字無筐訓此疑誤

映明也

日部映於敬切明也鈕氏樹玉說文新附攷孟子盡心篇君子所性仁義禮智根於心其生色也睟然見於面盎於背盎與見對是盎義近映疑古作盎字頤焮案詩庭燎夜未央毛傳央且也說文且明也鄭箋夜未央猶言夜未渠央也未渠央卽未遽明六月白旆央央毛傳央央鮮明貌映字疑古作央後人加日

旁耳

獄辨獄官也

狝部獄息利息梨二切辨獄官也察也今作伺覲頤  
煊案說文獄司空也从𡗗臣聲復說獄司空許所見  
獄司空有作獄司空者故引復說以證之此獄字辨  
獄官也與說文義同今作伺覲是俗字段氏玉裁說  
文注疑空爲衍字直作獄伺也非是太平御覽卷六  
百四十三引風俗通犴司空也高彪碑犴作獄義與  
獄司空同

豕豕五尺

豕部豕於隔切豕五尺豕章移切豕高五尺丁角切

頤煊案爾雅釋畜旆五尺爲狔郭璞注尸子曰大豕爲狔五尺今漁陽呼豬大者爲狔狔卽狔之譌字

鳶鴛字異

鳥部鳶以專切鴛類也鴛同上頤煊案鴛卽鴛字說文無鴛字鴛字次在鵞字下匪鵞匪鴛所稱或三家異文後人據毛詩卽以鴛字當之非也爾雅釋鳥鳶爲醜釋文鴛字亦作載漢書五行志有載焚其巢說文當有此字而傳寫脫之

蠶當作蠶

虫部蠶亡吉切勉也又蠶甘飴也今作蜜蠶同上頤煊案爾雅釋詁蠶沒勉也釋文蠶本或作蠶說文曰

蠱古蜜字蠱正字蠱俗字今有蠱無蠱非是

抗仙掌

文選西都賦抗仙掌以承露頤煊案曹子建又贈丁儀王粲詩承露槃秦清李善注西都賦抗仙掌與承露廣雅曰抗摩也槃與抗同古文通此抗是抗字之譌

埃竭

軼埃竭之混濁李善注許慎淮南子注竭埃也竭與盭同於害切頤煊案據注竭當作盭後漢書班固傳蜀都賦魏都賦李注引俱作軼埃盭之混濁字尚不誤



功有橫

東都賦功有橫而當天頤煊案禮記樂記號以立橫橫以立武鄭注橫充也漢書王莽傳昔唐堯橫被四表後漢馮異傳橫被四表昭假上下此謂功有橫以當天心本古文尙書李注不釋橫字之義

范氏施御

由基發射范氏施御弦不睥禽轡不詭遇頤煊案李注引括地圖以釋范氏施御引孟子以釋轡不詭遇後漢書班固傳李賢注范氏趙之御人也引孟子爲證改範我作范氏宋本文選注因之非是

大厦眈眈

西京賦大厦眈眈薛綜注眈眈深邃之貌也頤煊案  
史記陳涉世家夥頤涉之爲王沈沈者集解應劭曰  
沈沈宮室深邃之貌也眈眈卽沈沈古同聲通用字

龍羶

東京賦日月會於龍羶薛綜音鬪錢氏大昕文集廣  
韻四覺部羶訓龍尾又與豚同乃悟羶爲羶之譌廣  
雅云豚臀也故龍尾亦有龍羶之稱頤煊案玉篇無  
羶字羶字注音卓龍尾今本作龍車涉卓字而譌也  
古字龍羶通用羶字俗作羶羶又譌爲羶也薛綜音  
鬪玉篇音卓聲之轉耳

三都賦注

三都賦李注三都賦成張載爲注魏都劉逵爲注吳蜀自是之後漸行於世頤煊案今本三賦俱題劉淵林注南都賦李注引張載吳都賦注後漢書臧宮傳李賢注引張載蜀都賦注三賦本一注或劉或張由所題之本異耳三國志衛臻傳裴松之注衛瓘作左思吳都賦敘及注敘龕有文辭至於爲注了無所發明直爲塵穢紙墨不合傳寫世說新語文學篇劉孝標注劉淵林衛伯輿並早終皆不爲思賦序注凡諸注解皆思自爲欲重其文故假時人名姓也

矐焉

魏都賦矐焉相顧劉淵林注矐懼也左傳曰駟氏矐

懼善曰張以懞先隴反今本並爲矐頤煊案今本左  
氏傳作聳懼說文引春秋傳曰駟氏懞懼正與張注  
合李善本作矐字是後人所改

昆吾

子虛賦琳瑯昆吾李注張揖曰昆吾山名也出美金  
尸子曰昆吾之金頤煊案史記司馬相如列傳作琳  
瑯琨瑀索隱司馬彪曰琨瑀石之次玉也河圖云流  
州多積石名琨瑀石鍊之成鐵以作劍光明如水精  
穆天子傳天子升於采石之山於是取采石焉天子  
使重暭之民鑄以成器於黑水之上卽此類

臧玢

璵玞玄厲李注張揖曰璵玞石之次玉者頤煊案說文珍璠石之次玉者是同聲通用字

薛莎青蘋

薛莎青蘋李注張揖曰薛蘋蒿也頤煊案漢書司馬相如傳作薛史記司馬相如列傳作薛爾雅釋草苹蘋蕭郭璞注今蘋蒿也二字形聲皆相近

肸蠶

上林賦肸蠶布寫李注司馬彪曰肸過也芬芳之過若蠶之布寫也頤煊案說文肸蠶布也肸通作屑字漢書武帝紀屑然如有聞屑亦聲也說文僊聲也讀若屑又云屑動作切切也切切亦謂聲也

揜焦朋

揜焦朋李注張揖曰焦朋似鳳西方之鳥也頤煊案  
焦朋當依史記漢書作焦明說文鷦五方神鳥也東  
方發明南方焦明西方鷦鷯北方幽昌中央鳳皇明  
昌皇鷦皆同聲字吳都賦稽鷦鷯玉篇鳥部字亦作  
鷦

虹蜺爲纒

羽獵賦虹蜺爲纒李注韋昭曰纒旗上繫也頤煊案  
後漢書馬融傳纒橐四野之飛征李賢注說文曰纒  
落也國語曰纒於山有牢賈逵注纒還也今國語齊  
語作環韋昭注環繞也謂以旌旂纒繞之以爲獵塲

也

窮宄闕與

三軍茫然窮宄闕與李注孟康曰宄行也闕止也言  
三軍之盛窮闕禽獸使不得逸漏也頤煊案宄與卽  
宄豫亦謂猶豫謂禽獸奔竄未定者皆窮遏之使不  
得逸也老子道經與兮若冬涉川猶兮若畏四鄰淮  
南兵畧訓擊其猶猶陵其與與宄與分言之其義同  
也

迄丐

西征賦咨景悼以迄丐頤煊案水經洛水注魏司徒  
公崔浩注西征賦云定當爲敬崔所見本作迄定李

善本作迄丐丐敬王名也丐定字形相近

雨絕

鸚鵡賦何今日之雨絕若胡越之異區頤煊案王仲宣贈蔡子篤詩一別如雨李注鸚鵡賦何今日以雨絕陳琳檄吳將校曰雨絕于天然諸人同有此言未詳其始此兩是雨字之譌

玉府

赭白馬賦祕寶盈於玉府李注周禮曰玉府掌王之金玉玩好尚書曰玉府則有頤煊案今尚書五子之歌作王府則有是譌字

塞門



簡偉塞門李注塞紫塞也有關故曰門塞或爲寒非也  
頤煊案漢書司馬相如傳遺屯騎於玄闕兮軼先驅於寒門應劭曰寒門北極之門也後漢書張衡傳望寒門之絕垠兮縱余縹乎不周李賢注淮南子曰北極之山曰寒門二字本此

### 違世業

幽通賦違世業之可懷李注曹大家曰違恨也違或作悵悵亦恨也頤煊案廣韻悵字書云恨也玉篇悵怨恨也漢書敘傳作悵師古曰悵字與躄同躄是也義與此異

### 刳石

妣聆呱而刳石兮李注應劭曰刳其必滅羊舌氏本  
或爲劓項岱曰舉罪曰劓頤煊案字書無劓字當是  
劓字之譌漢書敘傳作刻應劭曰刻知其後必滅羊  
舌氏此引應劭字當作刻項岱本作劓文選從項岱  
本注引應劭故云本或爲劓

搯

文賦意徘徊而不能搯李注說文曰搯取也佗狄切  
協韻佗帝切或爲禘禘猶去也頤煊案搯本摘字依  
注當作搯說文搯撮取也與所引說文義合左氏正  
義引賈逵注禘者遞也審諦昭穆遷主遞位是禘有  
去義也

蒲盧

張茂先勵志詩蒲盧縈繳李注蒲盧舊說云卽蒲且也汲冢書曰蒲且子見雙鳥其不被弋者亦下頤煊案且古字作盧與盧字形相近因譌

萑稊不同

謝靈運從游京口北固應詔詩原隰萑綠柳李注大戴禮夏小正曰正月柳稊稊者發孚也萑與稊音義同頤煊案詩靜女自牧歸萑毛傳萑茅之始生也凡草本之初生通名曰萑說文無稊字通作稊爾雅釋草蒹芡郭璞注蒹似稊布地生穢草萑稊不同古字多通用夏小正柳稊是借萑爲稊也孟子告子上不

如黃稗是借稊爲蕘也

連眡

阮嗣宗詠懷詩連眡距阡陌李注軫當爲眡宋衷太  
玄經注曰眡界也說文曰眡井田間陌也顧煊案連  
眡本作連軫今本作眡是後人據注改

承明廬

曹子建贈白馬王彪詩謁帝承明廬李注陸機洛陽  
記曰承明門後宮出入之門吾嘗怪謁帝承明廬問  
張公云魏明帝作建始殿朝會皆由承明門顧煊案  
三國志文帝紀注臣松之案諸書記是時帝居北宮  
以建始殿朝羣臣門曰承明陳思王植詩曰謁帝承

明廬是也至明帝時始於漢南宮崇德殿起太極昭陽諸殿然則建始殿是文帝作非明帝也

出爲河間相

張平子四愁詩序張衡不樂久處機密陽嘉中出爲河間相李注范曄後漢書曰順帝初衡復爲太史令陽嘉元年造風候地動儀永和初出爲河間相而此云陽嘉中誤也頤煊案後漢書本傳永和初出爲河間相視事三年上書乞骸骨徵拜尚書永和四年卒衡之出爲河間相或在陽嘉七年正月己巳永和未改元以前

七命燕髀猩脣李注呂氏春秋伊尹說湯曰肉之美者鶩燕之髀說文曰髀股外也頤煊案今呂氏春秋本味篇作鶩鱻之翠翠或作驛玉篇驛鳥尾上肉也與髀字形相近因譌

卽主臣

奏彈曹景宗不有嚴刑誅賞安寘景宗卽主李注主謂爲主首也王隱晉書庾純自劾曰醉酒荒迷昏亂儀度卽主臣謹按河南尹庾純云云然以主爲句臣當下讀也頤煊案卽主臣三字當連讀卽主臣猶言今掌事之臣例當彈糾漢書王陵傳平謝曰主臣陛下不知其駑下使待罪宰相馮唐傳主臣陛下雖有

廉頗李牧不能用也亦主臣二字連讀之證

弭節

爲鄭冲勸晉王賤迴戈弭節以麾天下李注長楊賦  
日迴戈聊指南越相夷靡節西征羌熨東馳今以靡  
爲弭誤也頤熿案此與長楊賦靡節異說文云靡旌  
旗所以指麾也从手靡聲靡卽靡字通作靡離騷吾  
令羲和弭節兮湘君夕弭節兮北渚王逸注弭按也  
義與此同

侮食

三月三日曲水詩序侮食來王李注漢書匈奴傳曰  
壯者食肥美老者食其餘貴壯健賤老弱也古本作

膾食周書曰東越侮食頤煊案昭明本當作膾食與  
腓字通用廣雅釋訓腓腓肥也故注引匈奴傳以證  
肥食古本作侮食故注引周書今本是後人誤乙

史孝山

出師頌史孝山李注范曄後漢書曰王莽末沛國史  
岑字孝山以文章顯文章志及集林今書七志並同  
皆載岑出師頌而流別集及集林又載岑和熹鄧后  
頌并序計莽之末以迄和熹百有餘年蓋有二史岑  
字子孝者仕王莽之末字孝山者當和熹之際但書  
籍散亡未詳孝山爵里諸家以孝山之文載於子孝  
之集非也頤煊案今本後漢書王隆傳初王莽末沛



國史岑子孝亦以文章顯並不字孝山注意引范書亦當作字子孝今本字孝山三字是後人誤改

### 離斐

辨亡論上丁奉離斐以武毅稱頤煊案晉書陸機傳魏志三嗣主傳裴松之法引機此論皆作丁奉鍾離斐魏志有鍾離牧而無鍾離斐斐或牧字之譌文選本離上脫鍾字李善因以黎斐當之非也

### 寶剗

一切經音義卷一大方廣佛華嚴經第一剗又作擦同音察案剗書無此字卽剗字畧也剗音初一反浮圖名剗者訛也頤煊案北魏敬使君碑建七層之寶

劉剝與剝字形相近今省作剝非是寶剝卽寶塔故以爲浮圖名

僂字

第五熒古文憊僂二形頤煊案僂是僂字之譌廣雅釋詁僂獨也方言僂特也郭璞注僂古熒字

八梵

第七八梵八種梵音錢氏站曰漢街彈碑梵梵黍稷知梵卽芄字異文頤煊案玉篇梵扶風扶泛二切木得風兒說文蘆草得風兒从艸風讀若婪從艸從木同體梵芄蘆三字皆通用

甌裂

第五十八 齔宜作攬九縛居碧二反說文攬爪持也  
淮南子云獸窮則攬是也頤煊案經文齔裂佛本行  
集經作摑裂齔卽摑字廣雅釋詁域裂也俗作摑字  
說文攬扒也與域字義別

掌柱

大集日藏分經第六掌柱勅掌恥孟二反今謂邪柱  
爲掌也經文作棖非體頤煊案大集月藏分經棖說  
文作撐柱也音紂庚反字統作棖丈庚反文選魯靈  
光賦枝掌杈枒而斜據張載注掌或作棖又作撐棠  
二形古字皆通用

聲斃

卷二大般涅槃經第五聲𦉑又作𦉑同蘇奚反埤蒼  
𦉑聲散也經文作𦉑悲聲也𦉑噎也𦉑非此義頤焮  
卷十四引通俗文凡病而𦉑𦉑而聲散曰𦉑漢書王  
莽傳大聲而𦉑師古曰𦉑聲破也古字通用

寢言

第八寢言牛世反通俗文夢語謂之寢說文瞑語也  
聲類不覺妄言也經文多作調案字與詔同佞言也  
今多以是鹽以占二反此或俗語假借字頤焮案調  
是譎字假借非詔字素問熱論篇不欲食譎言王砮  
注譎言謂妄謬而不次也與寢言義近

憤內

卷三摩訶般若波羅密經第二十七憤丙公對反下  
女孝反說文憤亂也韻集丙猥也猥衆也字從市從  
入經文從門作鬧俗字也頤煊案維摩經經文作憤  
亂說文亂作箇丙疑卽箇字之壞後人又別作鬧非  
也

棹卽打字

放光般若經第十七敲又作鼓亭二形同丈鞭丈莖  
二反三蒼敲撞也通俗文撞出日打今之以木若鐵  
撞出空中物更補之謂之敲頤煊案月光童子經古  
文敲鼓棹三形說文杙撞也久木丁聲卽棹字之省  
俗從手作打字

須甞天

道行般若經第三須甞天三蒼音帝郭訓古文奇字以爲古文逝字中陰經作須滯天經文從無從足作甞音讀作武非也頤煊案史記平準書索隱引古今字詁籀今滯字夏小正遘鴻雁說文遘往也遘籀古字通用帶亦作帶甞卽甞字之譌

眼瞼

卷五成具光明定意經眼瞼居儼反字畧云眼外皮也經文作睫眊二形並非此用頤煊案大智度論瞼又作睫釋名作眊同子葉反說文目旁毛也與瞼字義別說文新附瞼目上下瞼也卽說文瞞字目旁薄

繳ハ也俗謂之眼檐詳見上說文

虛字

觀世音菩薩授記經編爛又作廉玠二形同補閒反  
下又作繳塊蒼文貌也通俗文云文章謂之編爛頤  
煊案說文彪虎文彪也从虎彬聲與彬字通用彪省  
作虛譌作廉字正法華經編又作廉玠二形字尙不  
誤

寶塔

卷六妙法蓮華經第一寶塔案塔字諸書所無唯葛  
洪字苑云塔佛堂也音他合反頤煊案塔古當作闌  
字說文闌樓上戶也从門聃聲又通作榻通俗文牀

三尺五日榻皆與佛堂義近後累石爲之因改作塔  
字漢書貨殖傳荅布千石史記貨殖列傳作榻布文  
選上林賦鏗鎗闔鞞李善注鞞與鞞古字通皆其證

羯鴨

卷七方等般泥洹經下羯鴨案諸經皆作鴝鴨鴝似  
雉而大青色有毛角若鬥死乃止也故武人戴鴝冠  
以像之也頤煊案禮記月令鴝旦不鳴鄭注鴝旦求  
旦之鳥也廣雅釋鳥鴝鴝鴝也方言鴝鴝自關而  
西秦隴之內謂之鴝鴝當是鴝字之譌

喫酒

卷八無量清淨平等覺經下喫酒口迹反謂喫噉也



經文作嘑非體也頤煊案玉篇喫去擊切啖喫也嘍同上說文無嘍字喫當是齧之俗字契挈古字通用

檉檉

卷十二修行道地經第五檉檉通俗文考具謂之檉檉字林檉指也莊氏斫日字林原作柙其指也不可解案說文檉檉檉指也檉又作檉玉篇檉檉下枝也廣韻檉枝下交兒又木枝下也又檉檉小樹據此知檉指是樹枝之下指者因改頤煊案妙法蓮華經歷周成難字作窸窸檉也經文作柙說文檉檉承桎梏之後當爲考刑之具檉指是柙指之譌此反據譌字以改字林誤矣

竹筴

卷十五僧祇經第四十竹筴亡界反字林折竹筴也  
筴亡忍反竹膚也頤煊案字書無筴字當是筴字之  
譌說文籛祭也祭折竹筴也玉篇筴同籛亡支反其  
音亦合般若燈論聲類云籛蔓也今蜀土及關中皆  
謂竹籛爲蔓音彌蔓亦筴字之譌

凹凸

卷十九佛本行集經第二十六凹凸烏交反下徒結  
反蒼頡篇作容突抱璞子云凹陷也凸起也孫淵如  
觀察云說文凹从到子或作充卽易突字知凸卽  
字譌也頤煊案說文無凹字字書相承作切古幼幽

通用凹卽幽字異文玉篇頤頭凹也卽其證

審吃

卷二十一 大菩薩藏經第六審吃居展反通俗文言不通利謂之審吃又作刊同居展反頤煇案大智度論第二十八審吃聲類作讓又作刼通俗文言不通利謂之刼吃玉篇力部刼居偃切難也吃也或作讓刊刼皆是刼字之譌

角力

卷二十二 瑜伽師地論第一角力古文劓同古學反廣雅角量也角試也說文角平斗斛也皆單作角頤煇案劓是斛字之譌說文斛平斗斛也大般涅槃經

角古文𣎵同卽其證

𣎵字

卷二十五阿毗達磨順正論第三十一𣎵瀨任加反  
通俗文刈餘曰𣎵廣雅𣎵距也詩云如彼棲𣎵是也  
頤煊案水經漸江水注浙江又東逕𣎵塘謂之𣎵瀆  
劉淵林吳都賦注謂之查浦山海經海外北經爰有  
甘𣎵郭璞注𣎵音𣎵梨之𣎵爾雅釋木𣎵梨曰鑽之  
釋文𣎵側加反字亦作查𣎵卽𣎵字之省𣎵又通作  
槎玉篇槎斫也隋書楊約傳墮地爲查所傷卽槎字  
今俗查字從木從旦吏牘中用之失其義矣

讀書叢錄卷十二

臨海洪頤煊

檢檢

五經文字木部檢字注檢察之檢居儉反從手者檢  
手之檢音斂頤煊案說文檢拱也拱斂手也字本從  
手隸釋任伯嗣碑姦軌檢手漢書食貨志孟子亦非  
狗彘食人之食不知斂今孟子作檢亦借木旁檢字  
爲之

換卽孺字

手部換案字書無此字見禮經頤煊案儀禮公食大  
夫禮取非菹以辯孺于醢上豆之間祭鄭注孺猶染

也特牲饋食禮右取菹煇于醢祭于豆間鄭注煇醢者染於醢也煇卽孺字隸釋衛尉衡方碑少以孺術司隸校尉魯峻碑學爲便宗而卍字形相似故孺又作煇

### 犒師

牛部犒勞師也見春秋傳周禮借犒字爲之頤煇案地官牛人軍事共其犒牛唐石經作犒牛賈疏云謂將帥在軍枯犒之賜牛字本作犒左氏僖二十六年傳公使展喜犒師服虔注以師枯犒故饋之飲食字亦作犒說文無犒字

### 延字

爻部延案字書從爻者更有廸字以經典及注並無其文故不出頤煊案說文玉篇爻部無廸字說文延安步延延也久爻久止玉篇延丑延切延延安步也廸當是延字石刻譌

### 蹟蹟

貝部蹟蹟並助革反上際也下至也見春秋傳頤煊案蹟蹟古字通用易繫辭聖人有以見天下之蹟釋文京作蹟正義蹟謂幽深難見小爾雅廣詁蹟深也徧檢字書蹟無際訓未知其審

### 胙字

肉部胙胙音跨上說文下經典相承隸省頤煊案說

文因部勝股也从因夸聲無胙字欠部牛跨步也从  
反欠與勝字相近疑唐本說文因部有胙為勝字正  
文而今本脫之

棲苴

廿部苴七余反又音查見詩大雅頤煇案詩名旻如  
彼棲苴一切經音義引詩作祖卽查字與槎字通用  
毛傳苴水中浮草也字當作苴七余反鄭箋如樹上  
之棲苴唐人皆讀為槎字

卅字

卅部卅古患反見詩風字林不見又古猛反見周禮  
說文以為古卵字頤煇案詩甫田總角卅兮毛傳卅



幼穉也周禮地官卅人鄭注卅之言礦也說文卯冒也古文作𠄎三字不同據此皆作卅字卯石刻作𠄎譌

湏卽頰字

彡部須音需面毛也今借爲須待字或須從水訛湏火外反物湏爛之湏頤煊案玉篇頰火內切洒面也沫同上湏古文湏卽頰字之俗

絮字

衣部裯說文作絮京氏作絮見易頤煊案易旣濟繻有衣裯釋文京作絮說文絮絮縕也一曰敝絮从糸奴聲易曰需有衣絮今云說文作絮石刻譌

說文解字卷十一  
三  
帆吧

巾部帆敷劔反見春秋傳注字作吧音普霸反頤煊  
案左氏宣十二年傳杜預注拔旆投衡上使不帆風  
差輕釋文帆又作吧普霸反帆吧二字皆說文所無  
一切經音義卷一引三蒼颿船上張布吧也廣韻引  
通俗文帛三幅曰吧今通作帕疑古以帛字爲之

前承弱

广部廢居委反前承弱頤煊案儀禮鄉射禮記鄭注  
正中曰棟次曰楹前曰廢士昏禮賈疏楹前接簷爲  
廢說文弱橈也前承弱恐其簷之橈也此卽本於禮  
經注

疾疥

疒部疾從火熱病也作疥者字林居忍反頤煊案說文疾熱病也从疒从火臣鉉等曰今俗別作疥非是廣雅釋詁疥病也曹憲音義疾今疹字疹當與癩字通用已見詩非疾字

涕洟

水部涕洟上音體下音替自目曰涕自鼻曰洟今人多以涕爲鼻洟誤矣見易及春秋頤煊案易萃齋吝涕洟釋文鄭云自目曰涕自鼻曰洟禮記內則不敢唾洟釋文涕本又作洟同吐細反由所見本異或涕或洟義得兩通經典無以涕爲鼻洟者

錞繳

金部錞繳二同並徒對反矛戟頤煊案禮記曲禮上進矛戟者前其繳鄭注平底曰繳說文繳矛戟柲下銅鑄也詩小戎戎矛塗錞毛傳錞鑄也錞繳非即矛戟下當有脫字

皐皐

幸部皐音釋今人或以此為皐陶字謬誤尤甚頤煊案尚書皐陶列女傳作皐陶左氏哀二十六年傳越皐如春秋繁露作大夫皐荀子王霸篇皐牢天下而制之後漢書馬融傳李賢注皐牢猶牢籠也左氏襄十七年傳澤門之皙釋文本或作皐門詩鶴鳴於九

臯毛傳臯澤也離騷步余馬於蘭臯兮王逸注澤曲曰臯臯臯古字通用

打字

九經字樣手部扑音撲打捶也頤煊案穀梁宣十八年傳撓殺也范甯注撓謂捶打殘賊而殺說文無打字錢氏大昕謂說文打槌也打卽打字據此知唐本打字尙有從木作打者

看從手下目

目部看睇也凡物見不審則手遮目看之故從手下目頤煊案說文看睇也从手下目徐鍇曰宋玉所謂揚袂障日而望所思也與此義相近

颺從三犬

犬部焱音標從三犬颺字從此從火訛頤煊案說文  
颺扶搖風也从風焱聲爾雅釋天扶搖謂之焱釋文  
字林作颺字皆從三犬唯玉篇云颺俾遙切暴風也  
字從三火非是

痲痺

疒部痲音攤馬病也今詩作痺頤煊案說文痲馬病  
也从疒多聲詩曰痲痲駱馬古單多同聲漢書地理  
志沛郡鄆孟康曰音多周緹傳景帝子復封緹子應  
爲鄆侯蘇林曰音多卽其證

廣韻

廣韻今世所行有兩本一題廣韻卽明內庫鏤板顧亭林所謂中涓刪節之本一題大宋重修廣韻卽張士俊刊本頤煊案永樂大典引前本曰陸法言廣韻後本曰宋重修廣韻大金集禮卷二十三學士院檢到唐廣韻去聲雍字注云姓風俗通云文王子雍伯之後與重修本同

陸法言撰本

重修本三鍾恭字注陸以恭媞縱等入冬韻七歌牂下戕字注陸云上同十二蟹獬字注陸作獬豸四十  
七證證字注陸本作貽

郭知玄朱箋

前費州多田縣丞郭知玄拾遺緒正更以朱箋三百  
字頤煊案重修本五質鞞字注孔帖卷十二引作郭  
知玄韻十二齊鷺字注孔帖卷九十五引作郭知玄  
四覺駁字注孔帖卷九十八引作郭知玄韻十四黠  
納字注孔帖卷九十八引作郭知玄唐韻唯孔帖卷  
九十五引唐郭知玄韻魴鵠戴勝別名不與重修本  
同

室中同

上平聲一東中又姓漢書藝文志有室中周著書十  
篇頤煊案藝文志無室中周著書十篇唯高祖功臣  
表有清簡侯室中同以弩將初起從入漢以都尉擊



項羽代侯周當是同字之譌

鑿鼓聲

二冬鑿鼓聲頤煊案鑿字從金非力冬切一東鑿鼓聲俗作鑿鑿當是鑿字之譌

茨光

六脂茨又姓後漢有茨光頤煊案光當作充後漢書衛颯傳南陽茨充代颯爲桂陽李賢注東觀記曰充字子河宛人也

霽霽雲

十二齊霽霽雲出字林頤煊案尙書洪範曰驛說文作曰圍詩載驅鄭箋古文尙書以弟爲圍史記宋微

言部書金卷十一  
子世家作曰涕集解徐廣曰一曰洩夷弟字形相近  
霰洩皆弟字之俗

蔽蒲草

十六哈芽蔽前草箭頤煊案四字不可解玉篇芽草  
也廣雅釋草蘋芽蔽也爾雅釋草蘋蕒董郭璞注似  
蒲而細芽蘋同物蔽前草當是蔽蒲草之譌箭字又  
涉前字而衍

瞶眴

十八諄瞶目動眴同上頤煊案說文瞶目動从目閏  
聲旬目搖也从目勻省聲重文作眴玉篇同瞶眴本  
二字此誤合爲一字

驅驪

二十三竟驅驅驪駿馬頤煊案史記秦本紀造父以善御幸於周繆王得驥溫驪集解徐廣曰溫一作盜索隱劉氏音義云盜竊也竊淺青色八駿既因色爲名竊驪爲得之也驅又溫之俗字

橈鞬

下平聲四宵橈蹋摘行又禹所乘也鞬上同頤煊案史記夏本紀泥行乘橈山行乘輦河渠書泥行蹈毳山行卽橈鞬非橈字

孩宗

七歌孩姓也漢有孩宗備同上頤煊案漢書王尊傳

會南山羣盜備宗等數百人蘇林曰備音朋晉灼曰音陪朋多字形相近因譌作萑字讀爲多音非也

鄆地名

十六蒸鄆說文曰地名也頤煊案說文邑部鄆地名从邑聲玉篇鄆音遷說文云地名說文無鄆字玉篇鄆欣陵切地名不云說文此誤

窠突也

二十一侵窠突也窠上同頤煊案窠是突字之譌說文窠深也一日窠突从穴从火从求省玉篇窠式林切窠突也窠卽深字之省

臉臟

二十四鹽臉臉臙也臙同上頤煊案玉篇臙初減切  
臉臙羹也臉七廉切臉臙又力減切臉臙臙臙非一  
字

泥澗

上聲七尾泥水流兒又泥澗海水洩處案莊子作尾  
閭字不久水頤煊案說文屮人小便也泥卽屮字人  
小便與尾閭洩水義近字當作泥

骹股

十四賄骹骹股也吐猥切腿俗頤煊案玉篇腿他備  
切腿脛也本作骹禮記檀弓下文子其中退然鄭注  
退或爲妥字本通用

輓輶

十六軫輓車輒兔革也輶車伏兔下軛也頤煊案說文輓車伏兔下革也从車曼聲曼古昏字讀若閔昏通作昏輶卽輓之俗字

𨔵字

二十九篠𨔵𨔵𨔵頤煊案玉篇𨔵於皎切𨔵𨔵長不勁𨔵乃鳥切𨔵𨔵也淮南齊俗訓譬若舟車楯𨔵高誘注沙地宜𨔵說文玉篇無𨔵字𨔵卽𨔵字之譌

仇姓

三十六養仇姓梁公子仇啓後也仇反爪頤煊案說文爪亦𨔵也从反爪漢書揚雄傳河靈嬰踢爪華蹈

衰師古曰爪古掌字仇卽爪字

搯字

去聲三用搯灼龜視兆也說文父容切奉也頤煊案  
史記龜策列傳搯策定數集解徐廣曰搯音逢一作  
逢索隱搯謂兩手執著分而劫之故云搯策搯卽搯  
字之省漢書東方朔傳逢占射覆逢與搯同如淳曰  
逢占逢人所問而占之也師古曰逢占逆占事猶云  
逆刺也非是

堦捏土容

十一暮堦捏土容出古今奇字頤煊案北魏李仲璇  
脩孔子廟碑命工人脩造容像雕素十子口列其側

素字之俗

惘恨也

十八隊惘恨也。頤煊案玉篇惘心亂也。惘當作惘。七尾悵字書云恨也。卽惘字之省。爾雅釋訓優優洄洄。惘也。釋文音義云本或作惘。說文引爾雅作惘。皆通用字。餘見文選注。

歔悲意

三十四嘯歔說文悲意也。火弔切。頤煊案說文歔悲意也。久欠嗇聲。火力切。玉篇歔所力切。悲意此當誤作歔。字音故云。火弔切。

庫藏日帑



四十二宏藏通俗文曰庫藏曰帑頤煊案周禮宰夫掌官契以治藏鄭注治藏藏文書及器物帑卽藏之假借字

菩薩

人聲十二曷薩釋典云菩薩菩普也薩濟也能普濟衆生也頤煊案薩之訓濟亦猶蔡之言殺刺之言粹皆聲之轉

威擊也

二十陌威擊也鬪也亦作斲頤煊案威是威之譌玉篇威古額切鬪也斲古額切亦作威字書無威字

稷稷

二十四職稜稂稂阻力切稂一本作此頤煊案說文無此二字稂稂皆當是稂字之俗稂之從稂亦猶纍之作絜易豐日中則昃釋文孟作稂左氏定十五年日下昃穀梁作日下稂古字本通用

禴字

汗簡示部禴誼尙書頤煊案隸釋司空宗俱碑禴父司隸校尉孝女曹娥碑其先與周同禴孔謙碑禴述家業祖字皆作禴此誼當是祖字之譌

蓮當作蕙

艸部葢蓮裴光遠集綴頤煊案蕙不與蓮字通用說文萋萋餘也詩關雎毛傳作接余內則接以大牢鄭

注接讀爲捷一切經音義卷十七引字詁古文走今  
作接說文箠扇也重文作筭妾走偏旁通用蓮當是  
蓮字之譌

舌字从舌

口部𠵽舐見莊子頤煊案舌部𠵽舐見史書𠵽同上  
出義雲章說文𠵽以舌取食也从舌易聲重文作𠵽  
荀子仲尼篇是猶伏而𠵽天楊倞注𠵽與舐同字皆  
从舌今口旁作告是傳寫之譌

遂古文速

辵部𨔵遂尙書頤煊案穴部𨔵遂出孫強集字說文  
遂古文作𨔵繼卽𨔵字之省與速字異

鈔字

几部鈔鎮頤煊案說文彡重文作鬢詩君子偕老鬢  
髮如雲說文引作彡雲漢胡寧頤我以旱釋文引韓  
詩作疹論語鄉黨當暑紵絺綌皇侃本作纈真彡通  
用故鈔通作鎮字

𪗇字

聿部𪗇人勇切見尙書頤煊案說文𪗇部古文作  
𪗇籀文作𪗇从𪗇省𪗇从𪗇𪗇𪗇𪗇𪗇𪗇𪗇𪗇𪗇𪗇𪗇𪗇𪗇𪗇𪗇𪗇  
日鳥獸𪗇毛說文瓊重文作瑤故尙書𪗇亦作𪗇此  
左旁𪗇卽𪗇字古文右旁當作𪗇今从米作𪗇是傳  
寫之譌

桓字

木部粗短頤煊案說文豆古文且桓木豆謂之桓爾雅釋器木豆謂之豆釋文豆本作桓韓勅孔廟禮器碑爵鹿祖桓字皆木旁作短當是桓字之譌

運从光作

宀部因運頤煊案周禮大卜其經運十鄭注運或爲緝當爲輝保章氏鄭注日有薄食運珥釋文運本作暉又作輝說文輝光也从火軍聲古文卽借从光从宀以爲輝光之輝故宀部因軍出王庶子碑人部爰軍出義雲章皆卽輝字之省

營當从𠂔

川部營邕裴光遠集綴頤煊案說文邕从川从邑籀  
文作營此卽邕字籀文字當从川若从火當在火部  
不當在川部是傳寫之譌

覓字

辰部絜寬出王存父切韻別本音莫頤煊案絜當是  
覓字爾雅釋詁覓相也郭璞注謂相視也廣雅釋詁  
覓視也寬卽覓字之譌

貴古文尙

耳部𦘔贖出徐邈集古文頤煊案耳旁从火是耿字  
說文古文妻从尙女尙古文貴字贖字當耳旁从火  
譌作火

姻字

女部媼媼孫強集字頤煊案說文媼从女从因因亦聲籀文作媼周禮大司徒孝友睦婣任卹一切經音義卷二古文媼媼二形媼是姻字之譌

丁亥諸嬰

薛尚功鐘鼎款識卷二父乙彝銘口諸口作父乙彝釋云右銘二字未詳頤煊案銘文咎上夕當是丁亥二字下嬰當是鶯字鶯與嬰同左氏傳齊有晏嬰楚有公子嬰齊皆人名

錫宴貝朋

卷三丙寅卣銘王錫賓朋頤煊案銘文爾是二字

舊釋合作賓字非是。𠄎當是寔字。寔字從日從女。此從夕聲。類雨止日晴。說文作𠄎。古文通用。續鍾鼎款識。庚申父丁角錫貝五朋三家。癸小臣貝三朋。此不言數者畧也。

### 奕車

卷五奕車。觚銘奕車釋云。下一字作挽車之形。蓋車軼則致敗而洒。至於流足以敗德。亦示飲之戒。頤煊案汗簡。𠄎。簞。壘。輔。並出。義雲章。𠄎。庫。華。岳。碑。壘。駟。出。孫強集字。車旁皆橫作。說文車籀文作𠄎。𠄎。即車字。籀文橫形。

### 經鐘



卷六宋公經鐘銘宋公成之經鐘釋云顓帝曰六莖  
經字與莖通用頤煊案經當與經鏗通用禮記樂記  
石聲經漢書司馬相如傳鏗鎗闔鞞皆言其聲

昔邦

卷七盃和鐘銘故名曰昔邦頤煊案字書無昔昔卽  
舊字詩文王周雖舊邦其命維新銘義本此

明刑

齊侯罇鐘銘中敷溫刑頤煊案銘文作罇當是盃字  
說文盃篆文作盃籀文作盃盃刑卽明刑盃和鐘銘  
徵敷明刑明作卯周禮大司寇以明刑恥之司救三  
罰而士加明刑明盃古字通用

飪鼎

卷九豐鼎銘豐用作玖鬻燹頤煊案玖銘文作汪左旁是人異文右旁從壬當是任字說文飪大熟也古文作𠄎亦作𠄎故亦通作任字

史頤

卷十史頤父鼎銘史頤作朕皇考頤煊案銘作𠄎隸釋郎中鄭固碑頤親誨弟綏民校尉熊君碑頤志皓首李翊夫人碑鳳延頤兮涕交頤頤皆作頤說文𠄎从火𠄎聲𠄎卽𠄎字之省故𠄎通作頤字

廢法通用

卷十四龍敦銘夙夜勿廢朕命釋云寅簋亦曰夙夕

勿廢朕命晉姜鼎云勿廢文侯顓命齊侯鐘銘云勿  
敢廢乃命而廢皆用法蓋法有時而廢於古人通作  
廢字猶治亂謂之亂也頤煊案廢發古字通用據此  
法又通作發字

尋屯

阮尙書續鐘鼎款識卷三邢叔鐘銘尋屯乍魯頤煊  
案尋銘文作𠄎號叔大林鐘尋屯乍攸尋作尋文法  
與此相同𠄎爲尋字無疑隸釋司隸校尉楊淮表紀  
追述勒銘故財表紀孟郁脩堯廟碑昧紀祖禰所出  
玉篇貝部財都勒切今作得皆尋字異文

系君

卷四叔單鼎銘唯黃孫子系君頤煊案系銘作𠄎  
卽系人卽司字省文無專鼎對徒南仲羌鼎對車官  
羌司皆如此作說文嗣諸侯嗣國也从冊从口司聲  
古文作𠄎此卽借司作嗣字

圖室

無專鼎銘燔於圖室釋云燔舊釋作丞圖室二字無  
可考頤煊案銘文𠄎尙存丞字半形與冊字不類周  
禮春官凡以神仕者掌三辰之灋以猶鬼神示之居  
鄭注猶圖也淮南主術訓文王周觀得失徧覽是非  
堯舜所以昌桀紂所以亡者皆著於明堂高誘注著  
猶圖也圖室或因此得名當在明堂中

𡗗作

卷五周壺銘周𡗗作口已尊壺頤煊案周下作𡗗說文𡗗厚脣从多从𡗗當卽𡗗字之省官寶壺銘又省作𡗗疑皆𡗗字異文

兮仲

卷六兮仲敦銘兮仲作寶敦釋云兮語詞也古無以爲氏者頤煊案說文義氣也从兮義聲兮當是義字之省蓋堯時義氏之後

嗣有司

召伯虎敦銘余以邑口有司又云余旣口有司釋云第五行第七字及六行第八字疑是古文誥字頤煊

案銘文第五行第七字作𣶒六行第八字作𣶒左旁從卽右旁從册作𣶒皆當是𣶒字之省

濇洮

卷八散氏盤銘自濇洮以南又云復洮濇頤煇案濇洮銘文作𣶒𣶒是濇字當是水名𣶒卽洮字此言初自濇洮而南復洮洮而回格伯簋洮東門乃書史洮作𣶒與此正同舊釋作𣶒字非是

鼎靜

齊侯獻銘買靜安寧釋云買字不可識吳侃叔云當是鎮字頤煇案當是鼎字儀禮公食大夫禮設局鼎鄭注鼎古文皆作密說文籀文以鼎爲貞字故鼎字

作員說文覓突前也从見曰一切經音義卷九引賈  
逵國語注覓沒猶輕觸也卽此員字